



ACARA PARTANGIANGAN PASSION I

HKBP PURWOKERTO – RESSORT PURWOKERTO

Rabu, 16 April 2025 (Pkl.18.00 WIB)

1. Pangaradeon (P: Paragenda; H: Huria)

2. Marende No. 84 : 1+3 *Aut na Ginorga tu Rohangku*

1). Aut na ginorga tu rohangku bohim di na lao mate Ho !

Aut na huingot, O Tuhanku, tongtong pangkophopmi di au !

Ai Ho do paluahon ahu, dosangku do pinorsanmi ;

Di daoni Ho parsahitonku ; Martua au binahen ni i !

3). Mauliate ma rohangku, di Ho o Jesus Tuhanki

Ho naeng tongtong haholonganku Marningot denggana basaMi

Antong sai tiop ma tanganku, manogu au tu lambungMi

Dijalo Ho do tangiangku, sai pos do rohangki di si.

3. Votum-Introitus-Tangiang :

P : Marhitehite Goar ni Debata Ama, Anak dohot Tondi Porbadia. Amen

Tagan jolma Kristus, dipelehon do angka pangidoanNa dohot elehelekNa, mardongan angguk bolon dohot ilu-ilu tu na tuk paluahon Ibana sian hamatean, jadi ditangihon do Ibana, gabe malua sian hatahuton i. Alai atik pe Anak Ibana, diguruhon do pangoloion marhite sian na tinaonNa i. jadi dung rimpas, gabe sihorhon haluaon salelengna do Ibana di sude na mangoloi Ibana. Haleluya!

Martangiang ma hita :

Ale Amanami, Parasi roha na Sumurung, Debata ni hatuaonnami! Huingot hami do diangka ari on panaonon dohot hamamate ni Tuhan Jesus Kristus Tuhannami. Pahibul ma rohanami jala parbadiai mamingkiri sude na tinaonNa i, patandahon ma tu hami dosanami, asa diarsakkon rohanami, jala asa hupasahat hami lomo ni Roha ni na manobus hami, asa martua hami marhite sian i ro disalelenglelengna. Sai patupa ma i di hami marhitehite Tuhan Jesus Kristus, Anak haholongan ni RohaM. Amen.

4. Marende No. 81:1 *Jesus Mual ni Ngolungku*

1). Jesus mual ni ngolungku, Sipangolu tondingki

Ai dibunu Ho musungku, ima hamatean i.

Ho manaoni hamagoan, patupahon hangoluan

Alani hupuji Ho, tung marribu hali do.

5. Manjaha :

P : Alai atik pe sai manungkap tu tano Ibana, hira na margiling di orbuk, atik pe dielehelek Ibana Amana na dibanuagingjang, mardongan angguk bolon, dohot ilu-ilu, ndang dapotan alus Ibana sian Debata, ndang dapotan apulapul Ibana sian Amana uju i, ingkon manaon haporsuhon songon halak na sirang sian Debata jala na pinasahat tu angka huaso na dibanuatoru i, ingkon dihilala Ibana songon

pangkilalaan ni halak na di api naroko, ndang dapotan alus Anak ni Debata sian banua ginjang.

H : O, ale Jesus! Nandang dapotan alus Ho sian AmangMu, asa ahu dapotan alus sian Ibana tongtong. Hudok mauliate di Ho sian nasa rohangku.

P : Dung so adong alus sian banua ginjang na tau mangapuli rohaNa na magopu i, hehe ma Ibana sian tano i, laho ma Ibana tu alealeNa, hira songon na mangalap apul-apul sian nasida na tolu i, hape modom do nasida didapot. Asa ndang jumpangsa nanggo sada hata na tau mangapuli rohana, asa saut na nidok ni Hata ni Debata : Hupaima do angka apul-apul, hape ndang jumpang Ahu!"

6. Marende No. 81: 6 Jesus Mual ni Ngolungku

6j). Sai pinuji ma GoarMu Ala ni na bernit i

Dohot ala ni mudarMu Jesus na nilehonMi

Lao pasaehon dosanami Asa unang mago hami

Ho hupuji ala ni Salelenglelengna i.

7. Manjaha :

P : Tung na tarpunjung do Jesus manaon na porsuk i, so ada pangurupion tung sian manang ise pe. Balik do tahe, songon ina na posi sahita, hape diida posoposona talpe naeng marguling tu api, gabe dijururi manait anakna haholonganna i asa unang madabu tu api laos matutung. Songon i Jesus sumungguli hasianna na tolu i mandok : Ale Simon ! Na modom do ho? Nda didok ho manang tu hamatean pe ingkon rap dohot Ahu ? Hape, beha do ? Nandang margogo hamu dungo rap dohot Ahu nanggo sangombas ?

H : Dung i diapo ma nasida ninna ma : “ Dungo ma hamu jala martangiang, asa unang bongot hamu tu bagasan pangunjungan, ai na ringgas do anggo tondi, alai ndang margogo daging.

P : Dung mangkatai Ibana dohot siseanna i, dibege muse dibagasan Tondina angka ronggur na mardoromdorum sian uhum ni Debata na naeng taononna alani hita, jala dihilala muse songon na hona bura dohot torutoru rohaNa na badia i, ala dosa ni jolma na hampe tu Ibana .

H : Dung i laho ma ibana muse tu Amana, songon sada dakdanak na maporus tu Amana, ai diboto Ibana : “Nandang jumpangan apul-apul Ibana sian manang ise; diboto muse : Marguru tu lomo ni Amana do Ibana, ai tung tu dia ma maporus Anak na burju ia so tung Amana?

P : Ai nang pe so manigor dialusi pangidoanna na sahali i, tong do diingot holong ni roha ni Amana; pos huhut rohaNa, sai na lehonon na pinangido ni rohaNa; ido umbahen so olo mandele, balik tahe sai dipagomos mangido.

8. Marende No. 84 : 2 Aut na ginorga tu rohangku

Sai jalo m'au ale Tuhanku, baen upa ni na tinaonMi

Sai naeng ingoton ni rohangku tung sasude na binenMi;

Humophop au pardosa godang dibahen holong ni rohaM;

Hinorhon ni tarbaen au sonang lao mandapothon banuaM.

9. Manjaha :

- P :** Mangulahi ma Jesus laho paduahalihon martangiang ninna ma : Ale Amang! Molo so tarbahen be panginuman on manalpui Ahu, ingkon huinum, sai saut ma lomo ni rohaMi!
- H :** Nandang na mandele Ibana ala so dialusi Debata di mulana. Nungga diboto na tinembak ni roha ni Amana disi, na so ditiniroan na i Ibana, di pangidoanna parjolo i ; ala ni i ndang dipangido Ibana be manalpuhon panginuman i, ai nang di tingki hagogotan on, ndang na olo Ibana pasauthon lomo ni manang ise, ia so holan lomo ni roha ni Amana.
- P :** Pola iluiluna sipanganonna arian dohot borgin, ingkon saut do na nidok ni hata i : Marguru tu hataMi do lomoku, jala marguru tu pandokmi do pambahenanku! Laos tong do roha ni Damang i siapanganonku, atik pe marsuap ilungku Ahu.
- H :** Anggo lomo ni rohaMi ale amang, ingkon saut. Asa atik pe so dialusi Debata Ibana, laos didasdas rohana i do Ibana tu Amana; diboto Ibana do dibagasan haporseaonna i.
- P :** Holan dibagasan roha ni Amana dapotan inganan tondiNa, jala molo so dipasonang Debata Ibana, ndang dapotan hasonangan Ibana ro di salelenglelengna.

10. Marende No. 83 : 1 *Na lao do birubiru i*

*1). Na lao do birubiru i, mamorsan angka dosa
Ni nasa hajolmaon i di benget ni rohana.
Diporsan do sahitta i, dilehon do dirina i
Tu tangan ni pamunu. Ditaoni do na bernit i,
Ro di na tos hosanna i didok naeng porsanonku.*

11. Manjaha :

- P :** Dungi laho ma Ibana muse tu angka anak siseanNa: jadi modom muse ma nasida didapot, ai mansai dokdok do matanasida. Jadi dung disungguli Ibana nasida, ndang diboto nasida be na nialushon nasida tu Ibana sian panoro ni matanasida.
- H :** Dungi ditadingkon ma nasida, diulakkon martangiang patolu halion mandok : “Ale Amang! Molo so tarbahen salpu on, nda ingkon huinum, sai saut ma lomo ni rohaMi! Alai dung sangon i patoluhalihon, jala manungkap anakNa i diida, ndang tarjuasa be so tiroanNa pangidoan ni Anakna i, ai ro ma surusuruan ni Debata sian banuaginjang margogoihon Ibana. Marhitehite haroro ni suru-suruan i dapotan apulapul Tuhanta i. Diboto Amana i do na masa tu Ibana.
- P :** Alai tutu ndang na pasalpuhon panginuman i suru-suruan i, alai diboan gogo tu jolma parbagasanna. Dohot hahorasan ni saudarana laho mandapothon parporangan i. Sian parporangan i tarsurat di hata ni Debata : Di na marsiranggut Ibana dohot hamatean, lam manggogo ma Ibana martangiang, jadi songon mudar na himpal do hodokNa madabu tu tano. Pinggkiri ma jorbut ni parporangan na songon i.

H : Dophon ma tu roham nuaeng! Olo, patut nian bobonosan rohanta, ai tarida disi na mangkilalahon bura dohot torutoru Ibana, ala dosa ni hajolmaon. Martua ma hita dijolo ni Birubiru ni Debata na marhodok mudar i: marnida godang ni holong ni roha ni Debata diportibi on, pola do Anakna Sasada i dilehon tu hamatean na jorbut i, asa unang mago ganup na porsea di Ibana, asa hangoluan na salelenglelengna di Ibana.

12. Marende No. 83 : 2 *Na lao do birubiru i*

*2). Ianggo birubirui, ima alealengku,
na paluahon tondingki, disuru Debatangku.
Didok mandok Anaknai; sai topotma pardosai,
Naung sun tinoruanku. Balga tutu do rimashi,
Alai tarbaen do mombun i horhonon ni mudarmu.*

13. Manjaha :

P : Songon na giniling Jesus di Getsemane, gabe ruar hodokna marsaor mudar himpal bahen hangoluantu. Marjea ma hita molo so olo hita mananda hina jorbut ni hamagoan ni nialap ni dosanta, jala molo so olo hita paubahon rohanta dijolo ni Anak ni Debata na mamelehon hodokna, mudarna, iluiluna na mardongan angguk bolon, paluahon hita sian hamagoan sisongon i. Molo so dipardulihon rohanta na masa dison ndang dapot hita be haluaon ro di salelenglelengna; holan on na ma sipaimaonta : Anggukangguk dohot na patungoripon di laut barerang na di api naroko i.

14. Koor/Vocal Group:

15. Marende No. 83 : 3 *Na lao do birubiru i*

*3). Na olo au ale amang, sian sandok rohangku
Pasauthon lomo ni rohaM, roham sambing do guru"
O holong ni rohana i! Tung aha do tudosanMi,
Na songon Ho margogo? Dilehon Debata hape Anakna,
lao manaon sude sitaonon ni na mago.*

16. Jamita :

**17. Marende No. 622:1-2 *Mansai Nalnal di angka Partingkian*
*(Huhut Papungu Pelean)***

*1). Mansai nalnal di angka partingkian, sinondang ni silangMu Tuhanki,
Sian hatiuron na marsinondang holongna na so halampoan I
Sude na bango do marpanghirimontu sondang ni asi ni roha I,
songon parluga na manghalungunhonparbinsar ni mata ni ari i.
2). SilangMu Kristus tanda ni holongMu pahisar tondi na magopu I
mangalononghon sasude dosangkumabaor tu laut asi ni rohaMi.
Naung tubu hami gabe na imbaru, na ni urasan sian dosa I
Ala mudarMu na ni usehonMudi Golgota di hamamateMi.*

18. Tangiang Pangujung: Alemanami ... Amen.

Pasupasu Amen ... Amen ... Amen ...